

To'on yó'o kían kúu uü nì taa San Pablo nì sa'an noó na ñoo Tesalónica

Ká'an Pablo ndisá'an

1 ¹ Yu'u kúu Pablo, ta yu'u xí'in Silvano xí'in Timoteo ká'an ndu ndisá'an xí'in ndo'ó, na kúu kuendá Jesús ndéi ñoo ká'ano Tesalónica, ndo'ó na ndíta xí'in tatá yo Ndios, xí'in de'e na Jesucristo, na kúu sato'o yo. ² Ta mií tatá yo Ndios xí'in sato'o yo Jesucristo ná kee na ña manì xí'in ndó, ta naki'o na ña koo va'a ini ndo.

Dándó'o Ndios nío ndidaá na kée kuachi tá ná natuu sato'o yo Jesús kii na chí induú

³ Daá kuití vá kánian naki'o ndu'u ndivé'e noo Ndios sa'a ndo, ñani. Ta kì'o dión níyiká ndú kee ndu, chì iin iin kuü kuü sá sá'ano cháá ka ndo kua'an ndo xí'in ña kándéé iní ndo Jesús, ta sá'ano ta'ani ndó xí'in ña kú'u cháá ka ini sa'a sátá'an ndó. ⁴ Sa'á ñoo ká'an va'a ndu sa'a ndo'ó noo dao ka na kúu kuendá Ndios ná'taka dao ka ve'e ño'o, chì va'ará kéndava'a ñayuu xí'in ndó, ta va'ará ndó'o ndó tandó'ó, tído xí'o ndeé vá iní ndo, ta ndíta ndaa ndo xí'in ña kándéé iní ndo Jesús.

⁵ Ta sa'á ña xí'o ndeé iní ndo, ñoo kían ná'a ña kényiko ndaa Ndios. Sa'á ñoo ió íchì ndo ña ndu'u ndó noo dándáki na, chì sa'á ña yó'o kían ndó'o nío ndo. ⁶ Ta ña ndaa vá kían noo mií Ndios ña dándó'o na nío ñayuu kéndava'a xí'in ndo'ó. ⁷ Ta noo ndo'ó, na ndó'o nío viti, naki'o Ndios ña nani'i ndéé dáó ndo'ó xí'in ndu'u tá ná natuu sato'o yo Jesús kii na chí induú xí'in ndidaá ángel ño'o tixi ndá'a ná ⁸ tein ño'ó kèi ita, dá chiya'i na ñayuu ko ní xí'in nakoni Ndios, xí'in na ko ní xí'in kueídó'o to'on va'a ña ká'an sa'a Jesucristo, na kúu sato'o yo. ⁹ Ta ñayuu yó'o kúu na ndo'o naní nío ndidaá tá'an kuü, chì ni iin kuü o koní na ndu'u na noo ió sato'o yo Ndios, ta ni iin kuü o koní na tát'o'on ndato ndéé kómí ná. ¹⁰ Dión koo kuü tá ná nandió ko Jesús, dá kían ndato nda'o natiin na ñañó'ó kee ñayuu mií ná, ta naá iní ndidaá kúu ñayuu kándísa ñaá. Ta dión ta'ani ndo'o mií ndó, chì kándísa ndó to'on nì daná'a ndu noo ndo.

¹¹ Sa'á ñoo daá kuití vá xí'ka ndu ña manì noo Ndios sa'a ndo, ña ná kì'o na ña kakuu ndó ñayuu ndaa, dá chì sa'á ña yó'o nì kaxi na ndo'ó. Ta xí'ka ta'ani ndu noo ná ña xí'in ndéé mií ná ná kandeé ndó kee ndó ndidaá kúu ña va'a, xí'in ndidaá kúu choon nì chikáa ini ndo kee ndó sa'á ña kándéé iní ndo ná, ¹² dá ná ni'i sato'o yo Jesucristo ñañó'ó sa'a ndo. Ta dión ta'ani natiin ndó ñañó'ó sa'á ña kándéé iní ndo ná, ta dión koo sa'á ña manì nì kee Ndios xí'in sato'o yo Jesucristo xí'in yó.

Dinñó'ó kạ tạ kini kasandaá, dá ví kasaa Jesús

2 ¹ Ta viti kásto'on ndu xí'ín ndó ndi koo tá ná nandió koo Jesucristo, nạ kúu sato'o yo, kasaa nạ, ta ndi koo, dá naki'in tá'an yó xí'ín ná. Ta seí nda'í ndu noo ndo'ó, ñani, ² ñạ ná dá'a ni konó ndó ñạ vitá oon nadaká ñayuu ñaxintóni ndo, ta o sạ kútúú ini ndo, va'ará kaá nạ ñạ Espíritu iị Ndios nị ka'an xí'ín ná ñạ sạ nị ya'a va kuu nị nandió koo sato'o yo Jesús, o tá dána'a nạ ñạ dión kíán o tá kaá nạ ñạ nị tanda'á ndu'u iin tuti ká'an dión. ³ O sạ kándía ndó ñạ dándá'í ni iin ñayuu ndo'ó, dá chị tá o ñá'a kasandaá kuu yó'o, dá kíán kua'á nda'o ñayuu kasá'á dánkoo íchị Ndios, ta kasandaá iin tạ kini, tá'an rạ nị ni'í tá'í ñạ ñá rá noo Ndios. ⁴ Ta ndakuiin rạ, ta kenóo ra ndidaá ña'a chínaní ñayuu kúu ndios, xí'ín ndidaá ña'a ndáño'o na. Ta ndạ noo iị cháá kạ ini ve'e ño'o ká'ano kakoo ra, dá kee ra mií rá ñạ kúu rá ndios.

⁵ ¿Á kọ ndúsaa ta'on ini ndo ñạ nị ka'in sa'a ndidaá ñạ yó'o tá nị sạ ioi xí'ín ndó? ⁶ Ta sạ ná'á vá ndo'ó ndí kíán chítuu noó tạ kini ñoó, sa'á ñoó o nátuu ta'on ra ndạ ná kasandaá hora kánian na'a noo rá. ⁷ Ta kana'á ndó ñạ sạ kéchóon va ñạ kini ñoó, tído ió de'é iị váán, dá chị ió ñạ chítuu va ñạ viti, sa'á ñoó kọ ñá'a natuuuan. Tído ndạ ná kasandaá kuu kuxoo ñạ chítuu ñaá, ndạ daá ví, dá natuuuan. ⁸ Ndạ daá ví, dá na'a noo mií tạ kini ñoó. Dá ka'ání ñaá Jesús xí'ín tachị yú'u ná, dá dánaá ñaá ná kee ñạ naye'e ndato noó nandió koo na kii na.

⁹ Chị tá ná kasandaá tạ kini ñoó, kakomí rá ndée mií ñạ u'u, sa'á ñoó ká'ano nda'o choon kane'e ra kasaa rạ xí'ín ñạ maña, ta kandeé rá kee ra ñạ'a ná'ano xí'ín ñạ'a ndato. ¹⁰ Ta xí'ín ndidaá ñạ maña yó'o dándá'í rạ ñayuu xionoo íchị kua'an indayá, chị kọ ní xíin na natiin na xí'ín ndinoo ini nạ ñạ ndaa, sa'á ñoó o káki ta'on na noó kuachi nạ. ¹¹ Sa'á ñoó kị'o Ndios ñạ dándá'í ñaá iin ñạ to'ón ká'ano, dá kandísa na ndidaá kúu ñạ to'ón ka'an rạ, ¹² dá kíán nando'o níno ndidaá kúu ñayuu kọ ní xíin kandísa ñạ ndaa, chị di'a nị katoó cháá kạ nạ ndiko nạ ñạ kini.

Sạ nị kaxi va Ndios yo ñạ dákaki ñaá ná

¹³ Tído ndu'u, daá kánian nakị'o ndu ndivé'e noo Ndios sa'a ndo'ó, ñani, nạ kú'u ini sato'o yo Ndios sa'a. Chị ndo'ó kúu nạ nị kaxi mií ná ndạ mií sa'a, dá natiin ndó ñạ kaxi ndó sa'á ñạ nị nduvii Espíritu iị ná ndo'ó, xí'ín sa'á ñạ kándée iní ndo ñạ ndaa. ¹⁴ Chị nị kana Ndios ndo'ó ñạ natiin ndó ñạ kaxi ndó xí'ín to'on va'a nị daná'a ndu noo ndo, dá natiin ta'ani ndó ñañó'ó táto'on kị'o natiin Jesucristo, nạ kúu sato'o yo, ñañó'ó.

¹⁵ Sa'á ñoó kandita toon ndó, ñani, ta tiin toon ndó ñạ ndaa nị daná'a ndu'u noo ndo, á kíán ñạ nị daná'a ndu xí'ín yú'u ndú noo ndo, o á kíán ñạ nị taa ndu noo tuti nị saa noo ndo.

¹⁶ Ta mií Jesucristo, na kúú sato'o yo, xí'ín mií Ndios, na kúú tatá yo, kúú na kú'u ini sa'a yo, ta ni xi'o na tandeé iní kakomí yó ndidaá tá'an kuu, ta ni xi'o ta'ani na iin tandeé iní ká'ano noo yo sa'a ña mani ni kee na xí'á, ¹⁷ ta naki'o na ña ndeé koo ini ndo, ta ná dakuá'ano na ndo'ó, dá katí'a ndó ka'an ndo ndidaá to'on va'a, ta katí'a ndó kee ndó ndidaá ña va'a.

Kaka ndo ña mani noo Ndios sa'a ndú, dá ná natiin va'a ñayuu to'on Ndios

3 ¹ Viti, ñani, kaka ndo ña mani noo Ndios sa'a ndu'u, dá kían ná naka'ani kí to'on Ndios ndidaá kúú xían kee ndu'u, ta ná natiin ndato ñayuu to'on Ndios táto'on kí'o ndato ni natiin mií ndóan. ² Ta kaka ta'ani ndó noo ná ña ná kandaa na ndu'u noo ñayuu káni, noo na kóni kendava'a xí'ín ndú, chí o duú ndidaá ñayuu kándéé iní Jesús. ³ Tído iin na ndaa kúú sato'o yo Jesús, sa'a ñoó kí'o na ña kandita ndaa ndo, ta kandaa na ndo'ó noo ña káni. ⁴ Ta sa'a ña kándéé iní yo sato'o yo Jesús, sa'a ñoó kándéé iní ndu ña kée ií vá ndó choon ni sa'anda ndu'u noo ndo, ta dión kee va ndó. ⁵ Ta ná chindeé ñaá sato'o yo Jesús, dá katí'a ndó ku'u sátá'an ini ndo sa'a ndo, táto'on kí'o kú'u ini mií Ndios sa'a yo. Dá katí'a ta'ani ndó koo ndeé iní ndo tein tandó'ó ndó'o ndó táto'on kí'o ni xi'o ndeé iní Cristo Jesús.

Kánian kechóon yó, dá kataki yo

⁶ Sa'ándá ndu choon noo ndo, ñani, xí'ín choon ni xi'o sato'o yo Jesucristo noo ndú, ña o sa káne'e tá'an ndó xí'ín na kúú kuendá Jesús, na ko xín kechóon, tá'an na ko kóni kee choon ni sa'anda ndu noo ndo. ⁷ Ta sa ná'á vá mií ndó ndí kían kánian kee ndó, dá kee ndó táto'on kí'o sa kee ndu, chí ko ní sá ndei dúsá ndú tein mií ndó. ⁸ Chí ko ní seí óon ta'on ndu pan ni iin tó'ón ñayuu. Di'a nduú ñoó va ni sa ndi'i ini ndu sa kee ndu choon ndeé, dá kían ná dá'a ni dáta'an ndu ni iin ndo'ó sa'a ña kasá'an ndu. ⁹ Ió íchí ndú ña koto ndó ndu'u, tído ko ní xíka ta'on ndu ña kee ndó dión. Di'a sa kechóon va ndu'u, chí kóni ndu ña kían katí'a ndó kee ndó táto'on kí'o kée ndu'u. ¹⁰ Chí tá ni sa ndei ndu xí'ín ndó, dá ni sa'anda ndu choon noo ndo ña ndi ndáa ñayuu ko xín kechóon, ná dá'a ni kasá'an na.

¹¹ Chí ni ni'i tó'on ndu'u ña tein ndó xa'an ndéi dao ñayuu dúsá, na ko kóni kechóon, ta chírneé chítuu kúu na noo dao ka ñayuu. ¹² Sa'a ñoó sa'ándá ndu choon noo na kée dión xí'ín choon ni ni'i ndú noo sato'o yo Jesucristo, ña ná ndi'i ini iin rá iin mií ná kechóon ndúsá'ano ná, dá ni'i ná ña kataki na. ¹³ Ta ndo'ó, ñani, o sa kúkuítá iní ndo kee ndó ña va'a.

¹⁴ Tá ndéi dao ñayuu ko kékuendá choon sa'ándá ndu noo tuti yó'o, dá kían kande'é va'a ndó ndá yoo kúú ná, ta o sa kóo ka ini ndo kane'e

tá'an ndó xí'ín ná, dá ná xika'an noᵒ ná sa'á ña kée na dión. ¹⁵ Tído ná dá'a ni taó kuendá ndo ña kúú ná na xiní u'u ndo, di'a koo ini ndo ka'an ni'ini ndó noᵒ ná sa'á ña kúú ná ñani ndo kuendá Jesús.

Xí'ín ndisá'án yó'o dándí'i Pablo ña ká'an na

¹⁶ Ta mií sato'o yo Jesús, na xí'o ña ió va'a ini yo, ná naki'o ña daá kuití vá koo va'a ini ndo noᵒ ndidaá ña'a. Ta daá kuití ná koo na xí'ín ndidaá ndó.

¹⁷ Ta ndisá'án yó'o táa mií yu'u Pablo kosaa noᵒ ndo'ó xí'ín ndá'a mií. Ta dión kée yu'u noᵒ ndidaá tuti táai, ta dión ndáa letrai.

¹⁸ Ná koo ña maní xí'o sato'o yo Jesucristo xí'ín iin rá iin ndó. Dión ná koo.